



<<SEABEAR WE BUILT A FIRE

PLATAN STENDUR UNDIR VÆNTINGUM OG VEL ÞAÐ



<<EGILL ÓLAFSSON OG CAPUT

Flytja Ástarsögu úr fjöllunum

96 ára

STOFNAD 1913
20. tölublað
98. árgangur
Landsprent ehf.

Morgunblaðið

mbl.is

MBL.IS
Morgunblaðið
hvar sem er
hvenær sem er

LAUGARDAGUR 20. MARS 2010

Gjaldþrot hvort sem skuldin er skattur eða bankalán



Marinó G. Njálsson

Auðveldara er fyrir einstakling að greiða af 20 milljóna króna skuld við banka á fjörutíu árum en að greiða nokkurra milljóna skattaskuld vegna afskriftar sem dreifist á þrjú ár. Það er mat Hagsmunasamtaka heimilanna. „Ég fæ ekki séð að það sé munur á því að fara í gjaldþrot vegna skattaskuldar eða bankaskuldar,“ segir Marinó G. Njálsson, ritari samtakanna. Drögum ríkisstjórnarinnar að skattlagningu afskrifta er misjafnlega tekið. »6

Borgin velti kostnaði og vandræðum á atvinnulífið



Atvinnurekendur segja að mörg fyrirtæki geti ekki skrifað fyrir starfsemi, þótt leikskólum borgarinnar verði lokað í fjórar vikur. Þeir telja að verið sé að velta kostnaði og vandamálum yfir á atvinnulífið. Sviðstjóri leikskólasviðs Reykjavíkur segist hafa orðið að velja sparnaðarleið þegar lokanir voru ákveðnar. Ráðning færri afleysingafólks spari sveitarfélögunum tugi milljóna. Í Kópavogi og Hafnarfirði verða leikskólar einnig lokaðir en þar eru starfræktir gæsluvelir. »4

BYGGJA HÚS OG BRYGGJU Í LANDEYJAHÖFN



Morgunblaðið/RAX

Ekki hefur fengist leyfi til að dæla 200 þúsund rúmmetrum af sandi út á sjó

UNNIÐ er af krafti við byggingu bryggju og húss fyrir farþega við Landeyjahöfn. Jafnframt er unnið áfram við brimvarnargarða og fleiri stór verkefni á svæðinu. Þó er ljóst að ýmislegt verður eftir þegar höfnin verður opnuð 1. júlí nk.

Dæla þarf um 200 þúsund rúmmetrum af sandi úr innsiglingu og höfn. Fyrirhugað var að dæla meirihluta efnisins á land til að hækka tiltekið svæði vegna uppgræðslu. Komið hefur í ljós að ekki er þörf á að dæla efninu í land og því sótti

Siglingastofnun um leyfi til að varpa því öllu á rúmlega 20 metra dýpi úti fyrir ósum Markarfljóts. Sandur er þarna um allt vegna framburðar fljótsins. Dæling á að hefjast á næstunni en leyfi hefur ekki fengist fyrir losuninni. | 20

Álag á Hæstarétti

● Nýjum málum og dómum hefur fjölgað ört í Hæstarétti, einkum frá árinu 2006, og álagið á réttinn orðið mjög mikið

Eftir Orra Pál Ormarsson
orri@mbl.is

DÓMARA- og lögmanna-samfélagið hefur nú vaxandi áhyggjur af álagi á Hæstarétt en nýjum málum og dómum hefur fjölgað ört á umliðnum árum. Árið 2005 gekk dómur í 487 málum en í fyrra voru þeir orðnir 782. Nú bíða 240 áfrýjuð mál óafgreidd hjá réttinum.

Lárentsínus Kristjánsson, formaður Lögmannafélags Íslands, segir í Sunnudagsmogganum að útlit sé fyrir að málum fjölgi enn á þessu ári. Á sama tíma hefur hæstaréttardómurum ekki fjölgað, þeir hafa verið níu frá árinu 1994, en löglærðum aðstoðarmönnum við réttinn fjölgaði úr þremur í fjóra árið 2005. Á tímabili í fyrra þurfti að fækka þeim tímabundið aftur í þrjá vegna lækkunar fjárveitinga.

Á vormisseri 2009 voru laun dómara við Hæstarétt

- » 240 mál eru óafgreidd
- » Málum er enn að fjölga
- » Dómurum hefur ekki fjölgað
- » Lögmenn áhyggjufullir

lækkuð um tæp 15% með því að fækka greiddum einingum og lækka verðmæti hverrar einingar um sig.

Þorsteinn A. Jónsson, skrifstofustjóri Hæstaréttar, staðfestir að það sé álit réttarins að álag á starfsmenn hans sé mjög mikið og hafi farið vaxandi. Hæstiréttur hefur ekki sett fram formlegar tillögur um viðbrögð við þessu en telur þó nauðsynlegt, að sögn Þorsteins, að löglærðum aðstoðarmönnum verði fjölgað.

Skýrslan í bókabúðir

Söluverðið dugir ekki fyrir prentun

SKÝRSLA rannsóknarnefndar Alþingis um bankahrunið verður væntanlega til sölu í öllum helstu bókabúðum og mun kosta 6.000 krónur, að sögn Helga Bernódssonar, skrifstofustjóra Alþingis. Henni verður einnig dreift frítt á Netinu.

Þó að sumum kunni að þykja verðið í hærri kantinum verður enginn gróði á útgáfunni heldur tap. Prentun á skýrslunni, sem er 2.000 blaðsíður og í nýu bindum, kostar rúmlega 30 milljónir. Hún verður prentuð í 3.000 eintökum og er prentkostnaður á hvert eintak um 11.000 krónur. Þá er eftir að reikna með dreifingarkostnaði og fleira.



Sunnudags MOGGINN er borinn út með laugardags Morgunblaðinu

Fáðu þér áskrift á mbl.is/askrift

meira fyrir áskriftendur



Das Auto.